

Ո Ր Ո Շ Ո Ւ Մ

Համալիր դատանյութագիտական և դատաապրանքագիտական
փորձաքննություն նշանակելու մասին

09 հոկտեմբերի, 2018թ.

ք.Վանաձոր

ՀՀ քննչական կոմիտեի Լոռու մարզային քննչական վարչության ավագ քննիչ, առաջին դասի խորհրդական Տ.Ներկարարյանս, վերանայելով վարույթիս թիվ 33102118 քրեական գործի նյութերը.

Պ Ա Ր Զ Ե Ց Ի

Լոռու մարզի Գուգարք գյուղի բնակիչ Վլադիմիր Լոգվինովի հաղորդման վերաբերյալ նախապատրաստված նյութերով տվյալներ են ձեռք բերվել այն մասին, որ Վլադիմիր Լոգվինովը, Վարդան Պետրոսյանը և Գևորգ Ղուկասյանը՝ ուրիշի զգալի չափերով գույք հափշտակելու նպատակով, նախնական համաձայնությամբ, խմբով 2018 թվականի սեպտեմբերի 1-ին՝ ժամը 20-ի սահմաններում, Լոռու մարզի Մարգահովիտ գյուղի «Արջի թալա» կոչվող տեղանքում գտնվող Ալբերտ Աղաջանյանի տան մուտքի մոտ հարձակվել են վերջինիս վրա և կյանքի ու առողջության համար վտանգավոր բռնություն գործադրելով՝ փայտերով հարվածներ են հասցրել Ալբերտ Աղաջանյանի մարմնի տարբեր մասերին և հափշտակել վերջինիս պատկանող զգալի չափերով ոսկյա շղթան, ոսկյա մատանին ու 5.000 ՀՀ դրամը:

Դեպքի առթիվ 2018 թվականի սեպտեմբերի 2-ին ՀՀ քննչական կոմիտեի Լոռու մարզային քննչական վարչությունում ՀՀ քրեական օրենսգրքի 175-րդ հոդվածի 2-րդ մասի 1-ին և 4-րդ կետերով հարուցվել է թիվ 33102118 քրեական գործը:

Նախաքննությամբ պարզվել է, որ Վարդան Պետրոսյանը 2018 թվականի օգոստոսի 31-ին Վլադիմիր Լոգվինովի առաջարկությամբ, վերջինիս ու Գևորգ Ղուկասյանի հետ նախնական համաձայնության գալով Լոռու մարզի Մարգահովիտ գյուղի «Արջի թալա» կոչվող տեղանքում գտնվող շինությունների նկատմամբ պահպանություն իրականացնող Ալբերտ Աղաջանյանի գույքը հափշտակելու շուրջ, կատարելով դերերի բաշխում, հաջորդ օրը՝ ժամը 12:00-ի սահմաններում, հանդիպելով միմյանց՝ տաքսի ավտոմեքենայով մեկնել են Լոռու մարզի Մարգահովիտ գյուղ, որտեղ Վլադիմիր Լոգվինովը Գևորգ Ղուկասյանին և իրեն ցույց է տվել Ալբերտ Աղաջանյանի կացարանի տեղը, միաժամանակ հայտնել, որ Ալբերտ Աղաջանյանը ֆիզիկապես ուժեղ է և նրա հետագա դիմադրությունը թուլացնելու և զբաղեցնելու համար ինքը կոնյակ կխմի նրա հետ, որից հետո կզանգահարի Գևորգ Ղուկասյանին: Դրանից հետո ինքը և Գևորգ Ղուկասյանը հեռացել են, իսկ Վլադիմիր Լոգվինովը գնացել է Ալբերտ Աղաջանյանին տեսակցելու նույն գյուղի մոտ գտնվող գարեջրատանը: Ալբերտ Աղաջանյանին հանդիպելուց հետո՝ Վլադիմիր Լոգվինովը կոնյակ և գարեջուր է խմել նրա հետ, ինչից մի քանի ժամ անց Գևորգ Ղուկասյանը զանգահարել է Վլադիմիր Լոգվինովին և հայտնել, որ իր հետ մուտք են գործել Ալբերտ Աղաջանյանի կացարան և նրա ոսկյա զարդերը չեն գտել: Բացի այդ, հայտնել է, որ մուտք են գործել

նաև հարևանությամբ գտնվող Ալբերտ Աղաջանյանի պահպանությանը հանձնված շինություն և այնտեղից հափշտակել են վրան-թիկնոց, բանալիների հավաքածու, համակարգչային խաղերի համար նախատեսված դեկ, ոտնակներ, որոնք տեղավորել են սպորտային պայուսակների մեջ ու թաքցրել Ալբերտ Աղաջանյանի կացարանի մոտ: Նույն հեռախոսագրույցի ընթացքում Վլադիմիր Լոգվինովն առաջարկել է իրեն ու Գևորգ Ղուկասյանին թաքնվել Ալբերտ Աղաջանյանի տան մոտ և սպասել հեռախոսազանգի: Դրանից հետո Վլադիմիր Լոգվինովը նկատելով Ալբերտ Աղաջանյանի մոտ գտնվող փաթեթը, և օգտվելով նրա բացակայությունից, բացել է այն ու տեսել, որ ոսկյա շղթան ու մատանին գտնվում են փաթեթի մեջ, ինչի մասին հեռախոսազանգով տեղեկացրել է Գևորգ Ղուկասյանին ու հայտնել, որ Ալբերտ Աղաջանյանի հետ միասին կմոտենան վերջինիս տանը, որպեսզի ինքը և Գևորգ Ղուկասյանը պատրաստված՝ դիմակավորված հարձակվեն Ալբերտ Աղաջանյանի վրա և հափշտակեն ոսկյա զարդերը:

Այնուհետև ժամը 20:00-ի սահմաններում Վլադիմիր Լոգվինովն Ալբերտ Աղաջանյանի հետ գնացել է նրա բնակարան, որտեղ մուտքի դռան մոտ Վլադիմիր Լոգվինովը թիկունքից հարվածել է Ալբերտ Աղաջանյանին, որից հետո դիմակավորված և փայտերով զինված թաքստոցից դուրս գալով ինքն ու Գևորգ Ղուկասյանը հարձակվել են Ալբերտ Աղաջանյանի վրա ու կյանքի և առողջության համար վտանգավոր բռնություն գործադրելով՝ ավազակությամբ, որպես զենք օգտագործվող այլ առարկաներով՝ փայտերով, Վլադիմիր Լոգվինովի հետ միասին հարվածներ են հասցրել Ալբերտ Աղաջանյանի գլխին, մարմնի տարբեր մասերին, ապա նրա մոտից հափշտակելով 5.000 ՀՀ դրամ, ոսկյա շղթա ու մատանի՝ դիմել են փախուստի:

Վերոհիշյալ հանցանքը կատարելու կասկածանքով 2018 թվականի սեպտեմբերի 02-ին Վարդան Պետրոսյանը, Գևորգ Ղուկասյանը և Վլադիմիր Լոգվինովը ձերբակալվել են:

2018 թվականի սեպտեմբերի 04-ին Վլադիմիր Լոգվինովին, Վարդան Պետրոսյանին և Գևորգ Ղուկասյանին մեղադրանք է առաջադրվել ՀՀ քրեական օրենսգրքի 175-րդ հոդվածի 2-րդ մասի 1-ին, 3-րդ և 4-րդ կետերով:

2018 թվականի սեպտեմբերի 05-ին միջնորդություններ են ներկայացվել Լոռու մարզի ընդհանուր իրավասության դատարան՝ Վլադիմիր Լոգվինովի, Վարդան Պետրոսյանի և Գևորգ Ղուկասյանի նկատմամբ կալանավորումը որպես խափանման միջով կիրառելու մասին, որոնք բավարարվել են:

Նախաքննության ընթացքում 2018 թվականի սեպտեմբերի 02-ին որպես կասկածյալ հարցաքննված Գևորգ Ղուկասյանը ցուցմունք է տվել, որ Ալբերտ Աղաջանյանից հափշտակված ոսկյա մատանին գտնվում է իր աշխատավայրում, որը նույն օրն առգրավել է:

Բացի այդ, Վարդան Պետրոսյանը և Գևորգ Ղուկասյանը ցուցմունքներ են տվել, որ Ալբերտ Աղաջանյանից հափշտակված ոսկյա շղթան Վարդան Պետրոսյանի անվամբ գրավադրել են Շիրակի մարզի Գյումրի քաղաքում գործող «Ֆասթ Կրեդիտ» կազմակերպության «Գյումրի» մասնաճյուղում:

2018 թվականի հոկտեմբերի 01-ին միջնորդություն է հարուցել Լոռու մարզի ընդհանուր իրավասության դատարան՝ թույլատրելու Վարդան Ավետիքի Պետրոսյանի անվամբ «Ֆասթ Կրեդիտ» կազմակերպության «Գյումրի» մասնաճյուղում գտնվող ոսկյա

շղթան, նույն ոսկու գրավի վարկային պայմանագիրը, ինչպես նաև դրանց հետ կապված բոլոր փաստաթղթերը առգրավելու նպատակով, որը բավարարվել է:

2018 թվականի հոկտեմբերի 09-ին <<Ֆասթ Կրեդիտ>> կազմակերպության <<Գյումրի>> մասնաճյուղից առգրավել է վերոհիշյալ ոսկյա շղթան, նույն ոսկու գրավի վարկային պայմանագրի բնօրինակը, ինչպես նաև դրանց հետ կապված բոլոր փաստաթղթերը:

Նկատի ունենալով, որ թիվ 33102118 քրեական գործով մի շարք հարցերի պարզաբանման համար անհրաժեշտ են դատանյութագիտական և դատաապրանքագիտական բնագավառի հասուկ մասնագիտական գիտելիքներ, ուստի ղեկավարվելով << քրեական դատավարության օրենսգրքի 243-րդ, 245-248-րդ հոդվածների պահանջներով,

Ո Ր Ո Շ Ե Ց Ի

1. Սույն քրեական գործով նշանակել համալիր դատանյութագիտական և դատաապրանքագիտական փորձաքննություն, որի կատարումը հանձնարարել << ԳԱԱ «Փորձաքննությունների ազգային բյուրո» ՊՈԱԿ-ի փորձագետներին:

2. Փորձագետին տրամադրել սույն որոշման մեկ օրինակը: <<Ֆասթ Կրեդիտ>> կազմակերպության <<Գյումրի>> մասնաճյուղից առգրավված վարդան Պետրոսյանի անվամբ գրավադրված ոսկյա շղթան և Գևորգ Ղուկասյանի աշխատավայրից առգրավված ոսկյա մատանին՝ 2 փաթեթներում փաթեթավորված:

3. Պարզաբանման համար փորձագետին առաջադրել հետևյալ հարցերը.


ա/ Փորձաքննությանը ներկայացված ոսկյա շղթան և ոսկյա մատանին պատրաստված են ոսկուց, թե ոչ, եթե այո, ապա ինչ հարգի ոսկի են, եթե ոչ, ապա ինչ մետաղից են բաղկացած:

բ/ Որքան է կազմում փորձաքննության ներկայացված վերոհիշյալ շղթայի և մատանու շուկայական արժեքը՝ 2018 թվականի սեպտեմբերի 01-ի դրությամբ:

Խնդրում եմ պատասխանել նաև այն հարցերին, որոնք թեև սույն որոշման մեջ չկան, սակայն կառաջանան փորձաքննության ընթացքում, կմտնեն փորձագետի իրավասության մեջ և որոնց պարզաբանումը կարող է կարևոր նշանակություն ունենալ փորձաքննության լիարժեքության ապահովման համար:

4. Փորձագետին նախազգուշացնել << քրեական օրենսգրքի 338-րդ հոդվածով նախատեսված քրեական պատասխանատվության մասին:

Ավագ քննիչ՝



S.A. Ներկարյան